

Stimads geniturs

Sin la via da scola pon uffants far experien-tschas impurtantas: els pon s'inscuntrar cun uffants da la medema vegliadetgna, far progress en il svilup social e sa muventar. Deplorablamain datti era tscherts ristgs – quels sa laschan dentant minimar cun ina buna instrucziun da traffic.

Bleras abilitads ch'èn necessarias per sa mover a moda segira sin via èn uffants anc vi da sviluppar. Era privels na vesan els betg adina. Perquai accumpagnain e scolain nus creschids ils uffants fin ch'els dumognan persuls ed a moda segira la via da scola.

Sco geniturs purtais Vos la responsabladad per il cumportament da Voss uffants. Vos n'essas dentant betg persuls en l'educaziun da traffic. Personas d'instrucziun e l'instrucziun da traffic da la polizia contribueschan ad in cumportament segir sin la via da scola.

Noss set tips pon gidar Vos d'ademplier Vossa incumbensa d'educaziun. Nus engraziain cordialmain per Vossa collavuraziun a nossa finamira: prevegnir ad accidents.

PPA, Post da consultaziun per la prevenziun d'accidents



Emprims pass sin via
(tudestg, franzos e talian)
bfu.ch/erste-schritte

Ils set tips

Planisar avunda temp per la via da scola. Stress po chaschunar inattenziun.

Procurar ch'ils uffants portian vestgadira clera, colurs glischantas e material reflectant.

Trenar comunablamain la via da scola ed accumpagnar ils uffants uschè ditg sco necessari.

Trottinets n'èn betg adattads per la via da scola.

Mussar als uffants nua ir sin il passape: da la vart da las chasas e dals curtins.

Tscherner la via da scola la pli segira. Quai n'è betg adina la pli curta.

Ils geniturs èn exempels en il traffic sin via.